

PEMAKLUMAN

AKREDITASI KURSUS PENDEK DAN PROGRAM KEMAHIRAN OLEH MBOT

Lembaga Teknologis Malaysia (MBOT) telah menubuhkan Majlis Pembangunan Profesional Teknologi dan Teknikal (TPDC) selaras dengan Seksyen 6(2)(g), Akta Teknologis dan Juruteknik 2015 (Akta 768), yang memperuntukkan penubuhan majlis untuk menilai jaminan kualiti program dalam bidang teknologi. TPDC bertanggungjawab menjalankan akreditasi bagi memastikan jaminan kualiti bagi kursus pendek dan program kemahiran.

Inisiatif ini diharap dapat membantu industri, penyedia latihan dan pusat bertauliah yang menawarkan program yang memenuhi piawaian akreditasi bagi memenuhi permintaan terhadap tenaga kerja berkemahiran tinggi. Seterusnya, bagi individu yang mengikuti kursus pendek ini akan menerima pengiktirafan rasmi yang bukan sahaja meningkatkan kredibiliti profesional dan memperkukuh kebolehpasaran.

TPDC memfokuskan kepada:

i. Pensijilan Pembangunan Profesional (*Professional Development Certification*)

- Pengiktirafan kursus pendek yang mempunyai sekurang-kurangnya 70% komponen teknologi yang ditawarkan oleh penyedia latihan
- Kursus yang menerima pensijilan ini akan dikecualikan untuk penilaian semula bagi permohonan program, *Industry Specific (IS)* dan *Focus Area (FA)* oleh Pembangunan Sumber Manusia Berhad (HRDCorp)

ii. Pensijilan Teknikal Profesional (*Professional Technical Certification*)

- Pengiktirafan profesional bagi Sijil Kemahiran Malaysia (SKM) Tahap 3 dan ke atas ini adalah kerjasama antara Jabatan Pembangunan Kemahiran (JPK) dan MBOT
- Para graduan daripada program ini berpeluang untuk berdaftar sebagai Juruteknik Berkelayakan dan seterusnya sebagai Juruteknik Bertauliah (Tc.).

Semua penyedia latihan dan pusat bertauliah yang menawarkan program kemahiran adalah dijemput untuk menghantar permohonan ke tpds@mbot.org.my. Untuk maklumat lanjut, layari <https://www.mbot.org.my/certification/about-tpdc>.

-TAMAT-

Lembaga Teknologis Malaysia (MBOT) ialah sebuah badan profesional yang ditubuhkan di bawah Akta Teknologis dan Juruteknik 2015 [Akta 768] untuk memberikan pengiktirafan profesional kepada Teknologis dan Juruteknik dalam bidang teknologi dan teknikal.

Untuk maklumat lanjut, sila hubungi:

Lembaga Teknologis Malaysia (MBOT)
t.nabila@mbot.org.my
+603-8800 6268/+6017-798 2604